

Վ. ՍՏԵՓԱՆՅԱՆ

ՀԱՅԱՍՏԱՆԻ ԵՎ ՆՐԱ ՄԵՐՁԱԿԱՑՔԻ ԵՐԿՐԱՇԱՐԺՆԵՐԻ ՎԵՐԱԲԵՐՑԱԼ ՊԱՏՄԱԿԱՆ ՆՅՈՒԹԵՐԸ ՄԱՏԵՆԱԴԱՐԱՆՈՒՄ.

Հայկական և Անատոլիական լեռները Կովկասյան լեռնաշղթայի հետ միասին հանդիսանում են Եվրոպա-Ասիական կամ ալպյան կոչված Միջերկրական ծովի (Средиземноморский) երիտասարդ արագոնիկ ակտիվ շերտի այն հանգույցը, որը այդ շերտի արևմտյան Ալպյան գոտին միացնում է Միջին Ասիայի և Հիմալայան լեռների արևելյան գոտիին:

Ըստ Մոնտեսսյու դե Բալլորի (Bernard Montessus de Ballore 1851—1923) հաշվումների՝ աշխարհի բոլոր երկրաշարժների 53,5 տոկոսը կենտրոնացած է նշված շերտում և 41,08 տոկոսը խաղաղ օվկիանոսյան կամ՝ ալպյան կոչված հնդկա-ճապոնյան մայրցամաքի շերտում:

Դառնալով Եվրոպա-Ասիական զուտ ամենաակտիվ երկրաշարժային հանգույցներից մեկում, Հայաստանը և ընդհանրապես Փոքր Ասիան ու Անդրկովկասը դարձնում են շարունակ բազմիցս ենթարկվել են երկրաշարժների ահեղ ցնցումների, որոնք երկրին պատճառել են մեծ ավերածություններ ու աղետներ:

Բազմաթիվ անգամներ ավերակների կույտի են վերածվել Հայաստանի, Անդրկովկասի ու փոքր Ասիայի խոշորագույն քաղաքները, որոնց թվում Երզնկան, Դվինը, Անին, Դարալագյազը, Շամախին, Թավրիզը, Երևանը, Վանը և այլն:

Երկրաշարժների ավերածությունները իրենց արտահայտություն են գտել ժա-

մանակի հայ պատմիչների աշխատություններում, ժամանակագրություններում և գրչիչների հիշատակարաններում, որոնք՝ իր ժամանակին չկարողանալով այլ բացատրություն տալ հանկարծակի վրա հասնող այդ սարսափելի աղետներին՝ համարում էին այն՝ որպես պատիժ՝ իրենց «ծովացյալ մեղքերի համար»:

1840 թվի Արարատյան կատաստրոֆիկ երկրաշարժը իր վրա բեվեռեց մի շարք գիտնականների ուշադրությունը:

Դերմանացի ճանապարհորդ Մորից Վագները մի քանի օր խաչատուր Աբովյանի ուղեկցությամբ անց է կացնում Արարատ լեռան լանջին, որտեղ կործանվել էր Ակոուի մեծ ու հարուստ գյուղը իր բոլոր բնակիչներով, և ուսումնասիրում է երկրաշարժի պատճառները:

Այդ երկրաշարժը դրավում է նաև գիտնական Աբիխին, որը սկսում է ուսումնասիրել Կովկասի և Հայաստանի երկրաբանական շերտավորումը, նրանց տեկտոնիկ դժերը, միաժամանակ հավաքում է երկրաշարժների վերաբերյալ փաստեր, նյութեր՝ ոչ միայն Կովկասի, այլ և հարևան Փոքր Ասիայի, Պարսկաստանի նկատմամբ՝ աշխատելով պարզել նրանց կապն ու փոխադրեցությունը:

19-րդ դարը հանդիսացավ ընդհանրապես սեյսմոլոգիական գիտությունների՝ խորնոլոգիական, աշխարհագրական, շրջանային և պատմական հատալոգների զարգացման դարաշրջան:

Պերրեյը (Alexis Perrey 1807—1882) Ծրանախալում, Մալլեն (Mallet 1810—1881) և ապա սեյսմոլոգիայի ակնառու զեմք Միլնը (John Milne 1850—1913), Անգլիայում, Ռոսսին (Rossi, Michele Stephano, 1834—1898) և Մերկալլին (Mercalli 1850—1913) Իտալիայում, Օմորին (Fusaki-chi Omori, 1868—1923) Յապոնիայում, Գալիգրինը Ռուսաստանում, Ֆուկեն, Մոնտեսսյու դե Բալլոբը, Էդուարդ Զյուսսը և ուրիշները բնագիտական այլ գիտությունների բարձունքին հասցրին սեյսմոլոգիական գիտությունը։ Դրանցից Պերրեյն առանձին ուշադրություն էր դարձնում երկրաշարժներին վերաբերվող փաստերի հավաքմանն ու ուսումնասիրությունը։

Ռուսաստանում համեմատաբար ավելի ուշ է սկսվում պատշաճ բարձրություն վրա դրվել այդ աշխատանքը։ Սակայն մի շարք կատառոտոֆիկ երկրաշարժներ Ռուսաստանի հարավային լայնածավալ սեյսմիկ տերիտորիայում՝ 1840 թվի Արարատյան երկրաշարժը, 1869 և 1872 թվի Շամախիի և 1869 թ. Իրկուտսկի երկրաշարժները, 1887 թ. Վերնիի երկրաշարժը, առիթ են տալիս երկրաշարժի խնդիրների լուրջ ուսումնասիրության նաև Ռուսաստանում։ Այդ ուսումնասիրությունները սկզբում արտահայտվում են Աբիխի, Օբլովի, Մուշկետովի և այլոց առանձին աշխատություններով։ Իսկ 1893 թվին լույս է տեսնում Ռուսաստանի լայնածավալ տերիտորիայի և մասամբ նրա մերձակա շրջանների երկրաշարժների պատմական կատալոգը. Ա. Օբլովի և Ի. Մուշկետովի աշխատությունը (А. Орлов и И. Мушкетов „Каталог землетрясений Российской империи“). Կատալոգը կազմվել է Մուշկետովի և հատկապես Օբլովի 20 տարվա համառ ջանքերով և ընդգրկում է 6-րդ դարից (նախ. քան մեր թվակ.) մինչև 1887 թիվը երկրաշարժների մոտ 2500 դեպք։

Այդտեղ գրի են առնված նաև Անդրկովկասի ու Փոքր Ասիայի Հատկապես 19-րդ դարու երկրաշարժների շատ արժեքավոր փաստեր։

Սակայն մինչև 19-րդ դարը քիչ դեպքեր են նշված և հղածները թերի են ու առան-

ձին դեպքերում անճշտություններ են պարունակում թե՛ ըստ ժամանակի և թե՛ ըստ բովանդակության։

Այլ կերպ չէր կարող լինել, որովհետև երկրաշարժներին վերաբերվող պատմական փաստերը, ղեկավարված լինելով Հայկական, Վրացական, Պարսկական գրականության մեջ և մեծ մասամբ ձեռագիր գրականություն ժամանակագրությունների, հիշատակարանների մեջ, մատչելի չէին Մուշկետովին և Օբլովին՝ թե՛ լեզվի և թե՛ այն պատճառով, որ այդպիսի գրականությունը գտնվում էր առանձին վանքերում, մասնավոր անձանց մոտ և այլն։

1902 թվ. Թիֆլիսում հրատարակվեց Հայաստանի և Փոքր Ասիայի երկրաշարժների անցյալին նվիրված գրեթե 1-ին խորհրդակցական աշխատությունը հայերեն լեզվով՝ Կարապետ Կոստանյանի աշխատությունը «Շարժի տարեգրություն Հայոց մեջ» վերնագրով, որը պարունակում է մինչև 19-րդ դարին վերաբերվող բավական փաստեր։

Հայաստանի երկրաշարժների պատմական անցյալով զբաղվել են մինչև Կ. Կոստանյանը նաև այլ հայ գրական գործիչներ, ինչպես օրինակ Ալիշանը, Ղուկաս Ինճիճյանը, որոնցից հատկապես վերջինս նշում է երկրաշարժների մոտ 16 դեպք՝ երգնկայում և մի շարք դեպքեր Արարատյան գավառում ու Հայաստանի այլ մասերում։

Սակայն այդ բոլորը թերի են և երբեմն կարևոր փաստերը լուսաբանված են ոչ անհրաժեշտ չափով։ Հետագայում Անդրկովկասի երկրաշարժների ուսումնասիրությամբ զբաղվում է Պրոֆ. Բյուսը, որը 1930 թվին իր «Очерк сейсмичности ЗСФСР» աշխատության մեջ բերում է Անդրկովկասի խոշոր երկրաշարժների մի խրոնոլոգիա, 854 թվ. մինչև 1929 թիվը, որը սակայն մինչև 19-րդ դարը պարունակում է ընդամենը 17 դեպք։ Վերջին հարյուր տարում Անդրկովկասում տեղի ունեցող երկրաշարժները մշակվել և հրատարակության են տրվել նաև Պրոֆ. Բյուսի մի շարք այլ աշխատություններում, բայց և այնպես Հայաստանի երկրաշարժներին վերաբերվող շատ փաստեր մնում են դեռևս չուսումնասիրված։

Սոցիալիստական շինարարության հա-
րաճուն վերելքը, հիդրոէլեկտրակայանների, գործա-
րանների, բնակարանների և այլ շինություն-
ների հսկայական թափը Հայկական Սո-
վետական Սոցիալիստական Ռեպուբլիկա-
յում առաջ քաշեցին այդ կառուցումները
սեյսմիկ ուժերի դեմ ապահովելու խնդիրը,
որի անհրաժեշտությունը ակնբախ է Հա-
յաստանի երկրաշարժային ակտիվ պայ-
մաններում:

Դեռևս թարմ են բոլորիս հիշողության
մեջ 1926 թվի Լենինականի, 1931 թվի Զան-
գեզուրի և 1937 թվի Երևանի երկրաշարժ-
ները, որոնք քիչ մնաս չապտճառեցին մեր
սոցիալիստական հայրենիքին:

Երկրաշարժների ակտիվությունը առիթ
է տալիս 1931 թվին կազմակերպելու Հա-
յաստանում 1-ին սեյսմիկ կայանը — «Երևանի
սեյսմիկ կայանը», իսկ 1940 թվի 2-րդ կի-
սից Հայկական ՍՍՌ Ժողկոմսովետի որոշ-
մամբ Դիտությունների Ակադեմիայի Հայ-
կական ֆիլիալին կից կազմակերպվեց Ան-
տիսեյսմիկ շինարարության բյուրո:

Հայաստանի բոլոր շրջաններում սեյսմա-
կայուն շինարարության խնդիրների ճիշտ
լուծման համար գործը պետք էր սկսել
հիմքից, նախ ճշտել երկրաշարժային գոյու-
թյուն ունեցող ռաշոնացումը, որի համար
բացի երկրաբանական և գեոֆիզիկական
ինստրումենտալ արդյունքներից, անհրա-
ժեշտ էին նաև ավելի շատ փաստեր անց-
յալի երկրաշարժների վերաբերյալ, փաս-
տեր, որոնց որոշ սխառեմի վերածելով և
երկրաբանական-գեոֆիզիկական արդյուն-
քների հետ զուգադրման, բաղդատման
միջոցով հնարավոր լինի ավելի ճշտորեն
գրանցելու Հայաստանի յուրաքանչյուր
շրջանի սեյսմիկ ուժերի հնարավոր ինտեն-
սիվությունը: Ձեռնարկելով այդ աշխատան-
քին՝ մեզ հաջողվեց Հայկ. ՍՍՌ Ժողկոմսո-
վետին կից Պետական Ձեռագրատանը (Մա-
տենադարանում) ձեռք բերել բավական
կարևոր նյութեր Հայաստանի և ընդհանրա-
պես Անդրկովկասի և Փոքր Ասիայի երկ-
րաշարժների վերաբերյալ, նյութեր որոնց
մեջ կան նաև այնպիսիները, որոնք չեն
հրապարակված երբևիցե և որոնք կարևոր
արժեք են ներկայացնում երկրաշարժների

ինտենսիվության, տեղի և ուղղու-
թյան համար:

Այսպիսի փաստեր կան սկսած 2—3 դա-
րուց, մեր թվականությունից առաջ՝ մինչև
մեր օրերը:

Շատ պատմագիրներ, ժամանակագիր-
ներ ու գրիչներ չեն կարողացել ան-
տարբեր մնալ ընտելյան այդ անեղ ար-
հավիրքի՝ երկրաշարժի նկատմամբ, երբ
այդ արհավիրքը զուգադիպել է իր ժամա-
նակին, որին անձամբ ականատես է եղել և
շատ հաճախ կորցրել է իր մերձավորներին
ու հարազատներին:

Ղուլղլի Երզնկացին, Երզնկայի կործա-
նիչ երկրաշարժներից մեկի ժամանակ, կորց-
նելով իր ծնողին ու երեխային, մի ամբողջ
բանաստեղծություն է նվիրում երկրաշար-
ժին, որի մեջ օղբում է և իր կորուստը
այսպես՝

«Ծո Ղուլղլի Երզնկացի.

Բեզի եղեր խել մի դիան.

Դու ես եղեր խեղճ ու գերի.

Հոգն ես դրել մայրն ու տղան»:

Եվ որովհետև Հայ Ժողովրդի պատմիչ-
ներն ու ժամանակագիրները, գրիչները
եղել են Անդրկովկասի, և Փոքր Ասիայի
գրեթե բոլոր տեղերում ուստի և տալիս են
երկրաշարժի բավական առատ փաստեր,
որոնք զետեղված են հարյուրավոր տպա-
գիր ու ձեռագիր աշխատություններում,
որոնցով հարուստ է Մատենադարանը:

Այն ժամանակ երբ Օրլովի և Մուշկետովի
«կատալոգում» մինչև 7-րդ դարը (մեր թվագ-
րության) Անդրկովկասի և փոքր Ասիայի
վերաբերյալ պարունակվում է երկրաշարժի
միայն մի դեպք — իսկ Կարապետ Կոստան-
յանի «Շարժի տարեգրության» մեջ չկա
նշված և ոչ մի դեպք, Մատենադարանի
ձեռագիր և տպագիր գրականությունից
պարզվել է մինչև այժմ 17 փաստ, որոնք
վկայում են այդ հնագույն շրջանի երկրա-
շարժների մասին: Մինչև 19-րդ դարը Օ. և Մ.
կատալոգը պարունակում է նշված տեղի
վերաբերյալ մոտ 50 դեպք, Կարապետ Կոս-
տանյանի տարեգրությունը՝ մոտ 40 դեպք:

խակ մեզ հաջողվեց Մատենադարանի գրականությունից հիշատակել 100-ից ավելի գեղարքեր:

Օրինակ՝ ձեռագրերից մեկում, ԼՂմիածնի մի եպիսկոպոս՝ Ղրիմում գտնվող իր մերձավորներին ուղղած նամակում մանրամասն նկարագրում է 1840 թվի Արարատի կառատարոֆիկ երկրաշարժը, որի մեջ ի միջի աշխոյ նշում է նաև մի այսպիսի փաստ, երբ երկրաշարժի ցնցումից գուրս են փախչում, տեսնում են թե ինչպես եկեղեցու խաչը եկեղեցու և զանգակատան հետ միասին տատանվում են դեպի արևելք և արևմուտք և եկեղեցու զանգակները ինքնահար դողանջում են միջին ձայնով՝ կարծես ահազանգելով վերահաս վտանգի մասին: Սա մի կարևոր փաստ է, որով որոշվում է նշված երկրաշարժի ուղղությունը և բավական ճշտությամբ նաև նրա ինտենսիվությունը ԼՂմիածնում:

Օրինակ՝ 1) 586 թվի երկրաշարժը Երկրորդ Հայքում. այդ երկրաշարժից կործանվել է Արփառս քաղաքը, 2) 453, 1088, 1261 թվ. երկրաշարժները Վրաստանում, 3) 454—460 թվ. կառատարոֆիկ երկնաշարժները Կոստանդնուպոլսում, Կիզիկոնում և Թրակիայի այլ քաղաքներում, 4) 906 թվ. երկրաշարժը Դարալագյազում, 5) 1169, 1374, 1433, 1463, 1583, 1667 թվերի երկրաշարժները Երզնկայում, 6) 1282 թվ. երկրաշարժը Արճիշում, Թլաթում, 7) 1581 թվ. երկրաշարժը Վարազում և այլն, որոնք չկան հիշատակված երկրաշարժների կառատարոֆներում և չափազանց կարևոր արժեք են ներկայացնում երկրաշարժների ուսումնասիրության տեսակետից:

Մատենադարանի ավյախները պարզում են, որ բացի մինչև այժմ դիտության մեջ չարձանագրված վերոհիշյալ և այլ բազմաթիվ երկրաշարժներից՝ կան նաև հետաքրքիր լրացուցիչ ընտելագրող տեղեկություններ մինչև այժմ քիչ լուսաբանված մի շարք երկրաշարժների մասին ինչպես օրինակ՝

1) 1648 թվի Վանի երկրաշարժը.

2) 1679 թվի Երևանի երկրաշարժը.

3) 1779 թվի Թավրիզի երկրաշարժը և այլն:

Վերոհիշյալ հարուստ նյութերը ներկա-

յուն ուսումնասիրության են ենթարկվում ՍՍՌՄ Գիտությունների Ակադեմիայի հայկական ֆիլիալի անտիսեյսմիկ շինարարության բյուրոյի կողմից և մանրամասն ու սխառեմատիկ մշակված կերպով կապաղըրվեն հասուկ աշխատության մեջ, Այժմ, իբրև նմուշ, տպագրում ենք մի միայն տարեբերվող գրիչ Գրիգոր Երևանցու հիշատակությունը. Երևանի 1679 թվի երկրաշարժի մասին.

«Եւ ի յավուր եպիսկոպոսութեան սորա եղև աստուածասատ բարկութիւն ի պառոս Արարատեան՝ ի Թուրքերութեան հայոց՝ ՌՃԻԸ (1679) յունիսամսոյ. Դ, յաւուրն չորեքշաբթի, մինչ ոչ էր հասարակեալ օրն՝ Հնչեաց երկիր և զղրղեցաւ արարածք. Դողմանի լեալ երկիր ըլլոր. շարժեաց յօղախառն սաստաղոյն մինչ զի տեսողաց անյոյս մնացել ի կենաց կենցաղոյս. զվերջին աւուրս մտածելով, եթէ լրումն երկրի իցէ աւուրս այս, որ և Թուրք թէ ոչինչ գոյր պակաս յայնմանէ: Բայց ի ինաման աստուծոյ դարձյալ հաստատեաց ի կայանս իւր ամենայն շրջակայ արարածք. վասնզի երկիր մեծարձակ պատառեցաւ. վէճք հատեալ ծրենս ծրենս լեալ Թաւախալ ի ծորակս և ի հովիտս լցուեցան. զլուսին և զարեգակն մթացեալ զիշերեցան ի փոշոյ հողոցս ջուրք համօրին արիւնագունեալ խառնակեցան. աղբերակունք ի սահմանեալ ընթացիցն մոլորեցան. տունք աստուծոյ հաստատաշէնք՝ եւ արքայական կազմ եկեղեցիք ի հմէ տապալեալ քակտեցան. պողոտայք յոլովաղնացք քարակուտս լեալ խափանեցան ի յըթնացից մարդկանց շէնք և շինուածք հնոց և նորոց խաղաղ կործանեցան ի հիմանց: Եւ մարգքանթիւք և անհամարք ի ներքոյ տան մեռան: Եւ սմանք որք ունէին զտեարս՝ եւ երկուց և երկից աւուրց հանէին ի տակէ հողից հանդերձիւք իւրեանց աւանց քահանայի և կաթգի կատարման ամփոփէին ի հողս. եւ որք ոչ ունէին որ օրտացաւ եթէ հմէլ, գեռ կայ յայնմ տեղւոյ ուր հանգուցեալ է: Միթէ միւս անգամ նորոգօղն Քրիստոս նորոգեսցէ յաւուր զայսոյան իւրոյ: Ով կարէ պատ-

մեղ գաղէտ և զկսկիծն զոր տեսաք աչօք մերովք: Զբժիշկն ամենից բժշկկեսցէ զվիրավորեալսն ամենայն ի յաւազ լիտոն Մասիսէ մինչև ի բլուրն Շամիրամա իսպառ քակեաց, և և մեծ աւերումն եղև. բայց ի գլուխ կաթուղիկեաց հանուրց եկեղեցեաց, լուսավորչաշէն բարձրագումբէն էջմիածին միայն մնաց հանդերձ Գալիանաւ և և Հոփսիմէիւն ի պարծանս ազգիս մերոյ, իսկ զձորակն Այրևիանից առաւել եղև աւերումն և քակտումն. վասնզի է ամենայն շինուածք ի մեջ խոր ձորին և շուրջ բոլորաւն վէժք ահաւդին. եւ յորժամ շարժեաց շուրջանակի՝ թաւալեցան ամենայն դիմաց՝ և լցան վանքն ամենայն մինչ զի ոչ երեւիր նշմարաւք շինութեան. բայց միայն կուտոցս քարի էր որք տեսողացն զարհուրեալ զողային, ըռահք և ճանապարհք ամենայն խափանեցան, և թի կամէին կերակուրս հոգեպանս տանից, յուսով և թեկամբ բարձեալ արսիթերս գնային, վասն զի կարի գժուարացեալ էր, և ամենայն կահիք պակասեալ՝ ոչ գոյր տեղի աղօթից. և ոչ տեղի ընակութեանց

մարդկան. բայց քարակտուտ միայն, և ոչ մնաց քար ի վերայ քարի, ոչ ի եկեղեցիսն և ոչ ի յայլ շինուածս որպես տէրն. մի մնացէ քար ի վերա քարի որ ոչ քակտեցի. և զայս կատարեցաւ լիապէս յայսմ ժամանակի. և մնաց անապատ և ամալի զի ոչ գոյր հնար. և ոչ եթէ որ ըղձայր գնալ երկրապագության՝ ոչ կարէր և հաւատաւոր երկիրագողքն ևս արգելալ մնային տոշորեալ սրաիւ և յաւուրս շարժման Ստեփաննոս Բարունին էր մայրաքաղաքն Նրեան. ի յանապատն սուրբ և հասարակաց ճաշու աղօթս կատարէին հանգերձ միարան ուխտիւն. յայնմ ժամու շարժեաց և քակտեցաւ եկեղեցին. էառ գտակս զկալիսկոպոսն զՍտեփաննոս և զքաջ հոռտորն և անտի փոխեցաւ առ Քրիստոս:

Ձեռագիրն ըստ 1512, հիշատակարան
Գրիշ՝ Դրիդոր Նրեանցի.

Մատենադարանում երկրաշարժի վերաբերյալ հղած անապատ փաստերը պետք է օգտագործվեն մեր անտիսեյսմիկ շինարարության բյուրոյի պրակտիկ աշխատանքներին ընթացքում:

